

चोपन रेडियो खेम्हाम्खुबा पामा हाड् नानुसाची स्यामीटानी यो। का फेरी स आन्ना नुए खानावाँ खेम्पीमामी लागी टाखेडीड्। आयु स के आन्ना खेम्पीमामी लागी एक्क काम्नुए खानावाँ लाडाब्डुड्। आयु के कानी यात्रमीची चैबानए काम्नुए यात्रमी माड्पारा लीहीकीहा लोमे खानावाँ ईखानी। ईच्छक म खेम्पीमामायो है टा।

ग बाखाटेम्पी कानी यात्रमीची खाड्माबी डीरीक काम्नुहा काम्नुहा चुकी। डीनाहु नुहालीकी, चे होबुकी, हाड् काम्नुए पढा स लीकी हाड् टाड्पाबाड् टुड्ड्पाए लोमीम्पा चोपन योम्पक खास खासीकी हाड् कानी कोई डीनाहुँ पुझा लेसी देबीथानाबी खेकी हानाम्सङ्क खीस खीसीनी, आसा सङ्क काईसे लोसीनी मसे कानी काम्नुए यात्रमी ह मीनुकी। टर गरक् लेत्रमेसे टेहन कानी काम्नुए यात्रमी खाड्माबी टेहन लीहीकी कानी चैबानए काम्नुए यात्रमी लीमामी लागी ग कानीए होईढाची सङ्क टाड्पा रक्मान मीम्पा लेत्रमी हाड् टेहन कानी चोपन यात्रमीची चैबानए काम्नुए यात्रमी लीहीकी। चैबानए काम्नुए यात्रमी माड्पारा लीमे लोमे इग खानावाँ ईढाड्मार के एक्क नीवाहाड्मी सापचीराबी साप्पीम्पा मीत्रम खानावाँ ईमा मीटुड्, सापचीराबी गरहाड् साण्डा,

" इत्रया एक्क मोसामी यायेत्रमा चीन्खुबा टा: हाड् येसुमी नीवाँ ठागमे नीवाँ येसु सीम्कु, "टुम्घड्पो, काडा हीड्चाढाड्माम् लागी माड् लोमा लोए?" येसुए खानावाँ एम्पीस्से लोकु, "नीवाँनेन् यायेत्रमाबी माड् साबडे, आक्कुबी आने मखाड्टीटुने?" मोसामी यायेत्रमा चीन्खुबाए लोकु, "आने टाड्पाम् प्रभु आम् चोपन लवाए, आम् सक्माए, चेत्रमावाए हाड् आम् चोपन नीवाँने नाम्नाम् पीसीमा ले। टाड्पा रक्न टाड्पाम् नेन्टाड्हाची सङ्क नाम्नाम् पीसीत्रमा लेमी।" मबाड येसुए लोकु, "आने चैबान इरीसुना। आक्कन लेटे हाड् हीड्चाढाड्ना।" मोसामी यायेत्रमा चीन्खुबाए ह स टाड्पा काम्नु खेत्रमे नीवाँने येसु होईखेपा स गर कामानुड् येसु सीम्कु, "काम् नेन्टाड्हे आसार टा?" हाड् येसुए खो वात्रमामी लागी गरहाड् लोकु, "एक्क यात्रमी यारुसालेमबाड्के यरीहो लोमे हाटाबी युमे सीसार खुसुबाड्चीए खो लाम्फुबी चुबुची। हाड् उम् चे: बीन्पीटुची हाड् सीखेत्रमा ना हीड्चामे लीरढारी रगुची हाड् आक्कुब्न याइडाउची। एछहाड्के आक्क लाम्न एक्क याटाड्पा टाआ हाड् आक्क याटाड्पाए आक्क यात्रमी खाड्टकु टर खोसे माखाड्डीन्ट लेत्रमानुड् खाईटा। एछहाड् एक्क लेबी सङ्क आक्क लाम्फबाड्न् न डाबा हाड् खोसे स आक्क खाड्टकु टर खोसे स आक्क यात्रमी मीउबान यीफाक्डाउ। हाड् एछहाड् सामारी\* सामेक्बीए एक्क यात्रमी सङ्क आक्क लाम्फु बाड्न् टाआ हाड् खोसे आक्क खाड्टाकु हाड् नाम्नाम् पीसीटु। हाड् खोसे उम् हुवाबी जैटुनमी केवा नुड् अड्गुरमी खेवा टीबीटु। हाड् खोम् गढा सक्पी ठेट्टीसु हाड् पोण्ठम् ठेयोड्पी लाखेटु। आक्कुबी खोसे आक्क यात्रमी नुर खाडु। वेन्डाक्लाम्पे पोण्ठाम् ठेयोड्पीए टुम्घड्पा सी:मी हीचची याड् पीत्रमानुड् गर लोसु, "इग नुर खाडे, इघा याड्ए माखेटु हाड्ग ऐन्टाड्जार के फड्खाना।"

हाड् येसुए आक्क नीवाँनेन् यायेत्रमा खानावाँ इखुबा याटाड्पा गर कामानुड् सीम्कु, "आनाम नीवाँबी इघा सुम्पाबी आक्क रभुड्पा यात्रमीमी नेन्टाड्हे आसा हला?" आक्कसे लोकु, "खो नाम्नाम् पीसीखुबा ह।" हाड् येसुए लोकु, "खारे हाड् आना सड् आक्कन लेटे।"

पा मा बु हाड नानुसाची साप्चीराबी चुए खानावाँबाडून कानीए नुर गारी वाण्हीकी। नीवानेन साप्चीराबी साप्पीम्पा खानावाँ चैबानए ह। चैबान कानीम् टाड्पामी प्रभु कानीमी चोप्न लवाए कानीमी चोप्न सक्माए हाड् चैक्मावाए नामनाम् पीसीरमा लेह हाड्के कानी चैबानए काम्नुए यात्रमी लीकी। कानीए खो नाम्नाम पीसीकुड् कामानुड् या ए कामासे टेहन खो नाम्नाम पीसीम्पा लीनी टर खोसे नुर लोमीम्पा चोप्न खानावा कानीए खासीमा स लेकी हाड्के टेहन कानीए खो नाम्नाम् पीसीम्पा लीह। हाड् कानी यात्रमी काम्नुए लीमामी लागी चैबान आक्क सामारी सामेक्बीए यात्रमी रक्मान लीमा लेकी। याटाड्पा कानीमी लागी दुड्पा यात्रमी हाड् काम्नुए यात्रमी ह टर खोसे होईढाची नुर लेटुचीनी हाड् खाडुचीनी हाड् खो चैबान खाड्माबीए काम्नुए टेहन लीह टर चैबानए काम्नुए यात्रमी लीहीनी। आक्क रग्भुड्मीम्पा यात्रमी सीखेन्माना हीड्चामा लीढ्याड्मानूड् लाम्फुबी ईम्ढाड्मीम्पा बेला आक्खा याटाड्पाचीए खाड्कुची हाड्सङ्क माखाडीन्ट लेहमानुड् खाईहाड्मा माल आक्क काम्नुए हे?? हेने? आक्क खानावाँ आक्खा याटाड्पाचीए लेसुचीनी। टर आक्क सामारी सामेक्बीए यात्रमीए आक्क रग्भुम्पा यात्रमी लेहमीम्पा नाम्नावाँ चै चैबानए नाम्नावाँ ह आक्क नाम्नावाँ चै चैबानए काम्नुए यात्रमीए टेहन लेहीकु। कानी यात्रमी गरमा लेकी कानीए कानीमी टाड्पामी यात्रमीची टेहन काम्नुए लेकी टर होईढा आलेमीम्पा यात्रमीची हानाम्स काम्नुए लेटीनी। टर कानी चाबानए काम्नुए यात्रमी लीमामी लागी कानीए कानीमी टाड्पामी यात्रमीची टेहन हेने टर होईढा आन आलेमीम्पा यात्रमीची सङ्क डुखाबी सीडामीहा हाड् कानीमी टाड्पामी यात्रमीची रक्मान लेहमा लेकी हाड्टेहन कानी चैबानए काम्नुए यात्रमी लीकी।

कानी चोप्न नीवाहाड्मी पासाची ह मसे नीवाहाड् हानाम्स एक्क पासाए होईक पासा आखाड्मीम्पा काम्नीटुनी। चोप्न पासाची टड्से पेन्मीम्पा खाड्मा मीनुकु। कानीबी मीरम चुह हाड् मीरम न डुखाबी सीडामीहा यात्रमीची पीटुम्ये कानीबी एहवा चु एहवा हेह आक्के न पीटुम्ये हाड् कानी नीवाहाड्ए आक्क पीरमीम्पा भन्डा स डीरीक पीकी।

कानी चोप्न यात्रमीची नीवाँबी काम्नुए मीम्पाएसे टेहन काम्नुए यात्रमी हानाम्स लीहीसीनी टर चैबान काम्नुए यात्रमी लीमामी लागी काम्नुए योम्पक सङ्क मुमा लेकी।

साप्चीराबी येशुए आक्क मोसामी यायेरमा चीन्खुबा ईमीम्पा काठाबीए सामारी सामेक्बीए यात्रमी रक्मान कानी स लीमा हाड् टेहन कानी चैबानए काम्नुए यात्रमी लीहीकी। टाड्पामी खीम्पी टेहन काम्नुए लीमासे कानी हानाम्स काम्नुए लीहीसीनी टर चोप्न ठालबीहा चोप्न खालाहा यात्रमीची सङ्क टाड्पामी खीम्पीबीहा यात्रमीची रक्मान लेहमा लेकी। गर कासे आयु स काम खेहमे लः टाखेसीम्पासे आयु का खाईमा लेहडा। का होईखेपा स आन्ना चुप्सी ग ल बीःहन टाहडा, नीवाहाड् सड्पीए ह खोबी नीवायुड् लेहमा आयुबाडून चोप्नसे खोमी नीड् ठेहमा। ओहाक.....।